


KANTONALNI STAMBENI  
FOND SARAJEVO



КАНТОНАЛНИ СТАМБЕНИ  
ФОНД САРАЈЕВО

CANTONAL HOUSING  
FUND SARAJEVO

---

**PRAVILNIK  
O  
POSTUPKU INTERNOG PRIJAVLJIVANJA KORUPCIJE U  
KANTONALNOM STAMBENOM FONDU SARAJEVO**

Sarajevo, oktobar 2022. godine



---

71000 Sarajevo, ul. Hiseta 13-a, tel.: (+387 33) 562-730, fax: (+387 33) 562-731, e-mail: ksfs@bih.net.ba, www.ksfs.ba

Općinski sud u Sarajevu broj: 65-05-0005-10 (1-15305 stari broj)

Poreski broj: 01074411; ID broj: 4200296330004; PDV ID broj: 200296330004

Transakcijski račun: 1610000052250031 – Raiffeisen bank DD Sarajevo, BiH



Na osnovu člana 35. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22), člana 16. u vezi sa članom 14. Statuta Kantonalnog stambenog fonda Sarajevo, broj: broj: 02-169-2/2006 od 16.02.2006. godine i broj: 01-1344-6/2012 od 27.07.2012. godine, direktor Kantonalnog stambenog fonda Sarajevo donosi:

**PRAVILNIK**  
**O**  
**POSTUPKU INTERNOG PRIJAVLJIVANJA KORUPCIJE U**  
**KANTONALNOM STAMBENOM FONDU SARAJEVO**

**I- OPĆE ODREDBE**

**Član 1.**

Pravilnikom o postupku internog prijavljivanja korupcije u Kantonalnom stambenom fondu Sarajevo (u daljem tekstu: Pravilnik) uređuje se način internog prijavljivanja korupcije u Kantonalnom stambenom fondu Sarajevo (u daljem tekstu: Fond), postupanje po zaprimljenim prijavama korupcije, razmatranje zaprimljenih prijava korupcije, obaveze obavještanja osobe koja je prijavila korupciju o poduzetim radnjama, te druga pitanja koja su vezana za prijavljivanje korupcije u Fondu.

**Član 2.**

- (1) U smislu ovog pravilnika:
- a) korupcija podrazumjeva zloupotrebu povjerene funkcije, radne obaveze ili posla od strane direktora ili radnika Fonda koja može dovesti do sticanja privatne koristi.
  - b) Prijavitelj korupcije je fizičko lice koje prijavi korupciju u Fondu.
  - c) Prijava korupcije je pismeno ili usmeno obavještenje koje sadrži informacije iz kojih proizilazi sumnja da je izvršena korupcija.
- (2) Ostali izrazi korišteni u ovom pravilniku su izrazi u smislu člana 2. Zakona o prevenciji i suzbijanju korupcije u Kantonu Sarajevo (U daljem tekstu: Zakon)

**II- PRIJAVA KORUPCIJE**

**Član 3.**

- (1) Prijava korupcije može biti prijava sa potpisom prijavitelja i anonimna prijava.
- (2) Interna prijava postoji kada prijavitelj podnosi prijavu direktoru Fonda ili ovlaštenom licu za prijem prijava korupcije i za postupanje po prijavama korupcije (u daljem tekstu: Ovlašteno lice), da je u Fondu izvršena korupcija.
- (3) Prijava se može podnijeti putem protokola, putem pošte, putem elektronske pošte (e-mail) ili on line sistema za prijavu korupcije na službenoj internet stranici Fonda, putem kutije/sandučeta za prijavu ili usmeno na zapisnik.

**Član 4.**

- (1) Ovlašteno lice imenuje direktor Fonda posebnom Odlukom u skladu sa članom 31. Zakona.
- (2) Ovlašteno lice je dužno da najmanje jednom sedmično vrši pregled kutije/sandučeta za prijavu korupcije, te prijave iz kutije/sandučeta dostavlja Protokolu Fonda na nadležno postupanje (protokolisanje).

### **Član 5.**

Svako lice imaju pravo na internu prijavu bilo kojeg oblika korupcije u Fondu za koji saznaju na bilo koji način.

### **Član 6.**

- (1) Prijava sadrži:
  - a) podatke o prijavitelju korupcije,
  - b) podatke o Fondu,
  - c) opis radnje ili ponašanja koje se prijavljuje kao korupcija, uz navođenje konkretnih činjenica i okolnosti iz kojih proizilazi sumnja prijavitelja da je izvršena korupcija,
- (2) Prijava sadrži i podatke o licu za koje prijavitelj sumnja da je izvršio korupciju, ukoliko prijavitelj ima informacije o tome u trenutku podnošenja prijave.
- (3) Uz prijavu iz stava (1) ovog člana, prijavitelj dostavlja sve podatke i dokumentaciju iz kojih proizilazi sumnja da je izvršena korupcija, ukoliko sa istim raspolaže.

## **III- POSTUPAK SA PRIJAVOM**

### **Član 7.**

- (1) Postupak internog prijavljivanja počinje kada prijavitelj prijavu iz člana 3. ovog pravilnika podnese direktoru Fonda ili Ovlaštenom licu ili prijavu podnese putem kutije/sandučeta za prijavu.
- (2) Nakon prijema prijave direktor Fonda ili Ovlašteno lice dužno je utvrditi da li prijava ispunjava uslove propisane odredbom člana 6. stav (1) ovog pravilnika.
- (3) Ukoliko prijava ne ispunjava uslove propisane odredbama člana 6. stav (1) ovog pravilnika Ovlašteno lice obavijestiti će prijavitelja, čiji mu je identitet poznat, da u roku od sedam dana od dana prijama obavijesti prijavu dopuni.
- (4) Ukoliko prijavitelj ne postupi u skladu sa stavom (3) ovog člana smatrat će se da je odustao od prijave i ovlašteno lice nije dužno postupiti po navedenoj prijavi.
- (5) Ovlašteno lice dužno je postupiti i po anonimnim prijavama koje sadrže sve podatke propisane odredbom člana 6. stav (1) t. b) i c) ovog pravilnika.

### **Član 8.**

Nakon što utvrdi da prijava korupcije sadrži sve propisane elemente, direktor Fonda ili Ovlašteno lice dužno je:

- a) postupiti po prijavi bez odlaganja, a najkasnije u roku od 30 dana od dana prijema prijave;
- b) osigurati zaštitu ličnih podataka i anonimnost prijavitelja;
- c) poduzeti mjere i aktivnosti kojima će se spriječiti ili otkloniti nastupanje štetne radnje;
- d) osigurati zaštitu i ostvarivanje prava prijavitelja;
- e) poduzeti mjere na utvrđivanju disciplinske i materijalne odgovornosti lica koje je izvršilo korupciju
- f) obavijestiti prijavitelja o mjerama i aktivnostima poduzetim po podnesenoj prijavi, u roku od 30 dana od dana podnošenja prijave;
- g) dostaviti prijavitelju odluku o ishodu postupka po podnesenoj prijavi korupcije, u roku od osam (8) dana od dana okončanja postupka po prijavi;
- h) prijavu proslijediti organu ovlaštenom za inspeksijski nadzor, ukoliko se sumnja da prijava ukazuje na izvršenje prekršaja u roku od pet (5) dana od dana prijema prijave;

- i) prijavu prosljediti nadležnom tužilaštvu ili drugom organu ukoliko prijava ukazuje na izvršenje krivičnog djela u roku od pet (5) dana od dana prijema prijave;
- j) obavijestiti Ured za borbu protiv korupcije i upravljanje kvalitetom Kantona Sarajevo (U daljem tekstu: Ured) o ishodu postupka po podnesenoj prijavi korupcije u roku od osam dana od dana okončanja postupka po prijavi korupcije.

#### **IV-ZAŠTITA PRIJAVITELJA KORUPCIJE**

##### **Član 9.**

- (1) Prijavitelj korupcije ne može trpiti posljedice zbog prijave korupcije.
- (2) Prijava korupcije predstavlja opravdan razlog za vjerovanje da je informacija bila istinita u trenutku kada je podnesena prijava.

##### **Član 10.**

Direktor Fonda ne može stavljati prijavitelja korupcije u nepovoljniji položaj u vezi sa prijavom korupcije kojim može imati štetne posljedice u skladu sa članom 45. stav (2) Zakona, i to:

- a) mobing, uznemiravanje ili prijetnje prijaviocu korupcije od direktora Fonda ili radnika Fonda;
- b) stvaranje loših međuljudskih odnosa u radnom okruženju ili uslova u kojima je prijavitelj u neravnopravnom položaju u odnosu na druge radnike Fonda kao čin odmazde zbog prijave koju je podnio;
- c) dovođenje prijavioca u nezakonit, nepovoljan, neravnopravan ili nepravičan položaj u vezi sa ostvarivanjem njegovih prava koja se mogu odnositi na:
  - 1) obrazovanje,
  - 2) zdravstvenu zaštitu,
  - 3) penzijsko-invalidsko osiguranje,
  - 4) socijalnu zaštitu,
  - 5) korištenje usluga kantonalnih organa, javnih ustanova i ostalih pravnih subjekata prilikom ostvarivanja i zaštite njegovih prava, obaveza i interesa,
  - 6) zapošljavanje,
  - 7) javne nabavke,
  - 8) sport, nauku ili kulturu i
  - 9) svaki drugi oblik ugrožavanja ili povrede Ustavom i zakonom zagwarantovanih prava, sloboda i interesa prijavioca, a koji je u uzročno – posljedičnoj vezi sa korupcijom ili prijavom korupcije ili bilo kakvo stavljanje prijavioca u nepovoljniji položaj zbog prijave korupcije.

##### **Član 11.**

Prijavitelj se može obratiti Uredu za borbu protiv korupcije i upravljanje kvalitetom Kantona Sarajevo (U daljem tekstu: Ured) sa zahtjevom za dodjeljivanje statusa zaštićenog prijavitelja korupcije.

##### **Član 12.**

- (1) Postupak interne zaštite pokreće se podnošenjem zahtjeva direktoru Fonda.
- (2) Zahtjev iz stava (1) ovog člana podnosi prijavitelj korupcije koji trpi štetnu radnju iz člana 2. stav (1) tačka u) Zakona o prevenciji i suzbijanju korupcije u Kantonu Sarajevo u roku od 30 dana od dana saznanja za štetnu radnju, a najkasnije u roku od godinu dana od dana nastanka štetne radnje.

- (3) U slučaju da direktor Fonda utvrdi da je podnešeni zahtjev osnovan dužan je bez odlaganja poduzeti mjere i aktivnosti kojima će se otkloniti akt činjenja ili nečinjenja koji je utvrđen kao štetna radnja.

#### **Član 13.**

- (1) Ukoliko Prijavitelj nije zadovoljan odlukom direktora Fonda koja je donesena u postupku interne zaštite ili ukoliko direktor Fonda ne donese odluku u roku od 30 dana od dana podnošenja zahtjeva iz člana 12. ovog pravilnika, prijavitelj može tražiti eksternu zaštitu podnošenjem tužbe nadležnom sudu.
- (2) Izuzetno od stava (1) ovog člana, Prijavitelj može zahtijevati eksternu zaštitu i kada nije prethodno tražio internu zaštitu u skladu sa članom 50. stav (2) Zakona.

#### **Član 14.**

Postupak u vezi sa zaštitom prijavitelja korupcije je hitan i provodi se bez odgađanja, u najkraćem roku koji je potreban da se utvrde sve činjenice koje su relevantne za donošenje pravilne odluke.

#### **Član 15.**

- (1) Zabranjena je zloupotreba internog prijavljivanja korupcije.
- (2) Zloupotreba iz stava (1) ovog člana postoji kada prijavitelj dostavlja informacije za koje u momentu prijavljivanja zna da nisu istinite.

#### **Član 16.**

U slučaju prijave korupcije direktor Fonda je obavezan poduzeti sve mjere za otkrivanje, prevenciju, suzbijanje i kažnjavanje svih oblika korupcije i mjere za zaštitu Prijavitelja korupcije.

### **IV- PRELAZNE I ZAVRŠNE ODREDBE**

#### **Član 17.**

Ukoliko Fond prilikom provođenja ovog pravilnika i Zakona vrši obradu ličnih podataka, dužan je uspostaviti evidenciju o ličnim podacima u skladu sa Zakonom o zaštiti ličnih podataka („Službeni glasnik Bosne i Hercegovine“, br: 49/06, 76/11 i 89/11-Ispravka).

#### **Član 18.**

Fond je dužan na naslovnoj stranici svoje internet stranice uspostaviti sistem za online prijavu korupcije koji će sadržavati podatke iz člana 6. ovog pravilnika.

#### **Član 19.**

Svi izrazi koji su u ovom pravilniku dati u jednom gramatičkom rodu bez diskriminacije se odnose na oba spola.

#### **Član 20.**

Izmjene i dopune Pravilnika o postupku internog prijavljivanja korupcije u Kantonalnom stambenom fondu Sarajevo vršit će se na način i po postupku koji je predviđen za njegovo donošenje.

**Član 21.**

- (1) Ovaj pravilnik stupa na snagu danom dobijanja saglasnosti Upravnog odbora Fonda, a primjenjivat će se od 01.01.2023. godine.
- (2) Ovaj pravilnik bit će objavljen u Službenim novinama Kantona Sarajevo i na web stranici Fonda.

Broj:02-03-1239/22  
Sarajevo, 06.10.2022. godine



**Direktor**

**Akir Šišić, dipl.pravnik**

